

27 IULIE

**PARACLISUL
SF. MARE
MUCENIC
PANTELIMON**



PARACLISIERUL PE IULIE-GG



პარაკლისი წმიდისა და დიდებულისა მოწამისა, უვეცხლოდ მკურნალისა, პანტელეიმონისი

მღდელომან: კურთხეულ არს...

და ჩუენ: დიდებაჲ შენდა ღმერთო ჩუენო დიდებაჲ შენდა.

მეუფეო ზეცათაო, ნუგეშინის-მცემელო, სულო ჭემმარიტებისაო, რომელი ყოველგან ხარ და ყოველსავე ადავსებ მადლითა შენითა; საუნჯეო კეთილთაო, მომნიჭებელო ცხორებისაო, მოვედ და დაემკვიდრე ჩუენ შორის და წმიდა მყვენ ჩუენ ყოვლისაგან ბიწისა, და აცხოვნენ, სახიერო, სულნი ჩუენნი.

წმიდაო ღმერთო, წმიდაო ძლიერო, წმიდაო უკუდავო, შეგზწყალენ ჩუენ (3-გ ზის).

დიდებაჲ მამასა და ძესა და წმიდასა სულსა აწ და მარადის და უკუნითი უკუნისამდე. ამინ.

ყოვლად-წმიდაო სამებაო, შეგზწყალენ ჩუენ; უფალო, გვკსენ და გვილხინე ცოდვათა ჩუენთაგან; მეუფეო, შეგზნდვენ უსჯულოებანი ჩუენნი, წმიდაო, მოიხილენ და განკურნენ უძლურებანი ჩუენნი, სახელისა შენისათვის.

უფალო, შეგზწყალენ (3-გ ზის).

დიდებაჲ მამასა და ძესა და წმიდასა სულსა აწ და მარადის და უკუნითი უკუნისამდე. ამინ.

მამაო ჩუენო, რომელი ხარ ცათა შინა, წმიდა იყავნ სახელი შენი, მოვედინ სუფევად შენი, იყავნ ნებაჲ შენი, ვითარცა ცათა შინა, ეგრეცა ქუეყანასა ზედა. პური ჩუენი არსობისაჲ მომეც ჩუენ დღეს და მომიტევენ ჩუენ თანა-ნადებნი ჩუენნი, ვითარცა ჩუენ მიუტევებთ

თანა-მდებთა მათ ჩუენთა, და ნუ შემიყვანებ ჩუენ განსაცდელსა, არამედ მივსნენ ჩუენ ბოროტისაგან. ამინ.

მღდელმან: რამეთუ შენი არს სუფევა...

დიდებაჲ მამასა და ძესა და წმიდასა სულსა აწ და მარადის და უკუნითი უკუნისამდე. ამინ.

მოვედით, თაყუანის-ვსცეთ მეუფესა ჩუენსა, ღმერთსა.

მოვედით, თაყუანის-ვსცეთ და შეუვრდეთ ქრისტესა, მეუფესა ჩუენსა ღმერთსა.

მოვედით, თაყუანის-ვსცეთ და შეუვრდეთ თვთ ქრისტესა, მეუფესა და ღმერთსა ჩუენსა.

უფალო, შეისმინე ლოცვისა ჩემისაჲ, ყურად-ილე ვედრებაჲ ჩემი ჭეშმარიტებითა შენითა, შეისმინე ჩემი სიმართლითა შენითა; და ნუ შეხუალ საშჯელსა მონისა შენისა თანა, რამეთუ არა განმართლდეს შენ წინაშე ყოველი ცხოველი. რამეთუ დევნა მტერმან სული ჩემი და დაამდაბლა ქუეყანად ცხორებაჲ ჩემი, დამსუა მე ბნელსა შინა, ვითარცა მკუდარი საუკუნოდ. და მოეწყინა ჩემ თანა სულსა ჩემსა; და ჩემ შორის შემიდრწუნდა გული ჩემი. მოვივსენე დღეთა პირველთაჲ და ვიწურთიდ ყოველთა მიმართ საქმეთა შენთა და ქმნულსა კელთა შენთასა ვზრახევდ. განვიპყრენ შენდამი კელნი ჩემნი, და სული ჩემი ვითარცა ქუეყანად ურწყული შენდამი. მსთუად შეისმინე ჩემი უფალო, რამეთუ მოაკლდა სულსა ჩემსა; ნუ გარე-მიიქცევ პირსა შენსა ჩემგან, და ვემსგავსო მათ, რომელნი შთავლენან მღვმესა. მასმინე მე განთიად წყალობაჲ შენი, რამეთუ მე შენ გესავ; მაუწყე მე, უფალო, გზად, რომელსაცა ვიდოდი, რამეთუ შენდამი აღვილე სული ჩემი. მიხსენ მე მტერთა ჩემთაგან, უფალო, რამეთუ შენ შეგევედრე. მასწავე მე, რადთა ვყო ნებაჲ შენი, რამეთუ შენ ხარ ღმერთი ჩემი, სული შენი სახიერი მიძლოდენ მე ქუეყანასა წრფელსა. სახელისა შენისათეს, უფალო, მაცხოვნო მე და სიმართლითა შენითა გამოიყვანო ჭირისაგან სული ჩემი. და წყალობითა შენითა მოსრნე

მტერნი ჩემნი და წარწყმიდნე ყოველნი მაჭირვებელნი სულისა ჩემისანი, რამეთუ მე მონაა შენი ვარ.

დიდებაა მამასა და ძესა და წმიდასა სულსა აწ და მარადის და უკუნითი უკუნისამდე. ამინ.

ალილუია, ალილუია, ალილუია, დიდებაა შენდა ღმერთო;
ალილუია, ალილუია, ალილუია, დიდებაა შენდა ღმერთო;
ალილუია, ალილუია, ალილუია, დიდებაა შენდა ღმერთო ჩუენო,
დიდებაა შენდა.

ღმერთი უფალი და გამოგზნდა ჩუენ, კურთხეულ არს მომავალი სახელითა უფლისაათა.

მუხლი ა. აუვარებდით უფალსა, რამეთუ კეთილ, რამეთუ უკუნისამდე არს წყალობაა მისი.

მუხლი ბ. ყოველი თესლები გარე მომადგა მე, და სახელითა უფლისაათა ვერეოდე მათ.

მუხლი გ. არა მოვკვდე, არამედ ვცხოვნდე, და განვთქუნე მე საქმენი უფლისანი.

მუხლი დ. ლოდი, რომელ შეურაცხევეს მაშენებელთა, ესე იქმნა თავ კიდეთა, უფლისა მიერ იყო ესე და არს საკვრველ წინაშე თუალთა ჩუენტა.

შემდგომად ამისა ოხითაა:

ღუაწლით შემოსილო, წმიდაო დიდო მოწამეო, მკურნალო პანტელეიმონ, ევედრე მოწყალესა ღმერთსა, რაათა ცოდვათა შენდობაა მოგუანიჭოს და სულთა ჩუენტა დიდი წყალობაა.

დიდებაა... *იგივე*. აწდა...

არა სადა დავსდუმნეთ ღვთისმშობელო, ძლიერებათა შენთა ქებად უღირსნი ესე მონანი შენნი, რამეთუ არათუმცა შენ გუფარევდი ოხითა შენითა, ვინმცა სადა გვიხსნა ჩუენ ესოდენტა ჭირთაგან, ანუ

ვინმცა დაგვიცვნა ჩუენ აქამომდე ფლობილად, არასადა განგეშორნეთ ჩუენ, დედოფალო კურთხეულო, რამეთუ შენ იხსნი სულთა ჩუენტა ყოველთა განსაცდელთაგან.

მიწყალე მე, ღმერთო, დიდითა წყალობითა შენითა და მრავლითა მოწყალებითა შენითა აკოცე უშჯულოებად ჩემი. უფროდს განმზანე მე უშჯულოებისა ჩემისაგან და ცოდვათა ჩემთაგან განმწმიდე მე. რამეთუ უშჯულოებად ჩემი მე უწყი და ცოდვად ჩემი წინაშე ჩემსა არს მარადის. შენ მხოლოსა შეგცოდე და ბოროტი შენ წინაშე ვყავ, რადთა განჰმართლდე სიტყუათაგან შენთა და სძლო შჯასა შენსა. რამეთუ ესერა უშჯულოებათა შინა მიუდგა და ცოდვათა შინა მშვა მე დედამან ჩემმან. რამეთუ ესერა ჰემმარიტებად შეიყუარე, უჩინონი და დაფარულნი სიბრძნისა შენისანი გამომიცხადენ მე. მასხურო მე უსუპითა და განმწმიდე მე, განმზანო მე და უფროდს თოვლისა განვსპეტაკნე. მასმინო მე გალობად და სიხარული, და იხარებდენ ძუალნი დამდაბლებულნი. გარე-მიაქციე პირი შენი ცოდვათა ჩემთაგან და ყოველნი უშჯულოებანი ჩემნი აკოცენ. გული წმიდად დაბადე ჩემ თანა, ღმერთო, და სული წრფელი განმიახლე გუამსა ჩემსა. ნუ განმაგდებ მე პირისა შენისაგან და სულსა წმიდასა შენსა ნუ მიმიღებ ჩემგან. მომეც მე სიხარული მაცხოვარებისა შენისა და სულითა მთავრობისადათა დამამტკიცე მე. ვასწავლნე უშჯულოთა გზანი შენნი და უღმრთონი შენდა მოიქცენ. მიჰსენ მე სისხლთაგან, ღმერთო, ღმერთო ცხორებისა ჩემისაო; იხარებდეს ენად ჩემი სიმართლესა შენსა. უფალო, ბაგენი ჩემნი აღახუნე, და პირი ჩემი უთხრობდეს ქებულებასა შენსა. რამეთუ უკუეთუმცა გენება, მსხუერპლი შე-მცა-მეწირა; არამედ საკუერთხი არა გთნდეს. მსხვერპლ ღმრთისა არს სული შემუსრვილი, გული შემუსრვილი და დამდაბლებული ღმერთმან არა შეურაცხ-ყოს. კეთილი უყავ, უფალო, ნებითა შენითა სიონსა და აღემენნენ ზღუდენი იერუსალემისანი. მაშინ გთნდეს მსხუერპლი სიმართლისადა, შესაწირავი და ყოვლად-დასაწუველი; მაშინ შეიწირნენ საკურთხეველსა შენსა ზედა ზუარაკნი.

კანონი წმიდისა პანტელეიმონისი, ქმნილი უფლისა გ-ისი.

უგალობდითსა (გალობაჲ ა).

ძლისპირი: ეტლთა მფლობელი ფარაო დაანთქა
საკვრველთმოქმედმან კუერთხმან მოსედსამან, რომელმან გამოსახა
სახს ჯუარისად და განაპო ზღუად მეწამული და ისრაელი იკსნა
განმავალი, მეტყუელი გალობისა უფლისასა, რამეთუ დიდებით
დიდებულ არს.

წმიდაო დიდო მოწამეო, მკურნალო, პანტელეიმონ, ევედრე ღმერთსა
ჩუენთჳს.

სიტბოებაჲ და წყალობაჲ ყოველთა წყალობისად მოგიღებებს
მსგავსად სახელისა ზეგარდამო, პანტელეიმონ მკნეო, ამისთჳს
გევედრებით: სიტკბოებით მომხედენ და დიდებად შენდა
განმაძლიერენ, და ღირს მყავ სასწაულთა შენთა დიდთა გალობად.

წმიდაო დიდო მოწამეო, მკურნალო, პანტელეიმონ, ევედრე ღმერთსა
ჩუენთჳს.

გაქუნდა კეთილი ქონებაჲ და ცნობაჲ გონიერი სიჩჩოდთ შენითგან,
სამგზის სანატრელო, და საცნობელნი სულისანი განკითხვად და
გულისკმისყოფად, და განრჩევად კეთილად კეთილისა და
ბოროტისა, ვინაჲცა კეთილი შეიყუარე და ბოროტი მოიძულე.

დიდებაჲ მამასა და ძესა და წმიდასა სულსა.

ღმრთისმსახურებაჲ დიდებული სიბრძნით შეიყუარე
ღმერთშემოსილო, და მამული იგი უღმრთოებაჲ, ღმრთივ გონიერად
სწავლითა შენითა განსწმიდე, და მოიზიდე იგი ნიშთა საკვრველთა
აღსრულებითა ქრისტეს სარწმუნოებად, დიდებით დიდებულო.

აწ და მარადის და უკუნითი უკუნისამდე. ამინ.

უნაყოფოთა ბერწთაგან ნაყოფად შუენიერად აღმოგაცენა მუშაკმან სულთამან, ქალწულო ყოვლად დიდებულო, თვისისა მის ბრწყინვალეებისა სამეუფოდასა საყდრად და სავანედ ცათა უმაღლესად და შენგან გამოვიდა, ღმერთი და კაცი სრული.

განძლიერდისა (გალობაჲ გ).

ძლისპირი: განძლიერებელ მექმენ მე, დამზადებულო ცისაო და ქუეყანისაო წყალთა ზედა. დამამტკიცე მე, ქრისტე, ეკლესიისა კლდესა ზედა, რამეთუ არა ვინ არს წმიდაჲ შენებრ, კაცთმოყუარე.

წმიდაო დიდო მოწამეო, მკურნალო, პანტელეიმონ, ევედრე ღმერთსა ჩუენთჳს.

შუენიერებითა ჯორცთაჲთა და სათნოებათა სიკეთითა და მადლთა საღმრთოთა ბრწყინვალეებითა სიწმიდე სულიერი უშუენიერეს გამოაჩინე და [ორ]კერძოვე ჰნათობდი, ზეშთა ცნობისა და სიტყჳსა.

წმიდაო დიდო მოწამეო, მკურნალო, პანტელეიმონ, ევედრე ღმერთსა ჩუენთჳს.

განიკითხე და გულისჳმა-ყავ გონიერად განბჭობითა, საცთური და ღმრთის მეცნიერებაჲ, და შეეძინე ნათელსა და განაგდე ბნელი წყუდიადი, რამეთუ უდარესსა აღირჩიე უვალრესი.

დიდებაჲ მამასა და ძესა და წმიდასა სულსა.

სიბრძნით მოპოვნებულთა სახეთა და სიტყუათა ჩემებელთა მიერ, განჰბასრე მამაჲ ტყუვილისა და პატივი წმიდისა ემზაზისა და მოძღურისა და მამისა შენისაჲ ჯეროვნად დასცევ, ნეტარო.

აწ და მარადის და უკუნითი უკუნისამდე. ამინ.

ურიცხუთა ბოროტთა ჩემთაგან, რომელთა ვნივთებ დღითი-დღედ, ოხითა შენითა მივსენ ქალწულო, რამეთუ ბრალეულთა და უსასოთა სასოებად და შუამდგომელი, შენ ხარ ქრისტეს მკვსნელისა მიმართ.

გვკვსნენ განსაცდელთაგან მონანი შენნი, ყოვლადწმიდაო ღვთისმშობელო ქალწულო, რამეთუ ჩუენ ყოველნი შემდგომად ღვთისა შენდა მოვილტვით, ვითარცა უძლეველისა ზღუდისა და შუამდგომელისა.

მოიხილე ჩუენზედა, ყოვლად-ქებულო ღვთისმშობელო და ხორცთა ჩუენთა წყლულებანი ბოროტნი განკურნენ და სულისა ჩუენისა სნეულებანი.

მღდელმან: შეგვწყალებ ჩუენ ღმერთო...

ასამაღლებელი: რამეთუ მოწყალე და კაცთმოყუარე...

წარდგომაჲ, ჳმაჲ დ. გუერდი:

სწამე წამებაჲ ქრისტესი ახოვნად და სარწმუნოებაჲ მისი ჳქადაგე და მამაჲ შენი, სიღრმეთაგან უღმრთოებისასა აღმოიყვანე და უღმრთოდსა მის მძლავრისა ზახებისაგან არა შესძრწუნდი და ეშმაკთა საცთურსა არცხვნე, სანატრელო, ვინაჲცა მოილე მადლი უფლისა მიერ განკურნებად საღმობისა სულთა და ჳორცთა ჩუენთასა, პანტელეიმონ ყოვლად ქებულო, ევედრე ქრისტესა ღმერთსა, რათა ცოდვათა [შენდობაჲ მოგუანიჳოს და სულთა ჩუენთა – დიდი წყალობაჲ.]

მესმასა (გალობაჲ დ).

ძლისპირი: შენ ხარ, ქრისტე, ღმერთი ჩემი, შენ ხარ ძალი ჩემი, შენ ხარ უფალი ჩემი და სიხარული ცხოვრებისა ჩემისაჲ, რომელმან არა დააცალიერენ წიაღნი მამისანი და გამოუჩნდი სიმდაბლესა ჩემსა,

ამისთვისცა წინასწარმეტყუელისა ამბაკუმის თანა ვიტყოდით: ძალსა შენსა დიდებად, კაცთმოყუარე.

წმიდაო დიდო მოწამეო, მკურნალო, პანტელეიმონ, ევედრე ღმერთსა ჩუენთვის.

მადლი სულისა წმიდისაჲ, ყოვლად ძლიერისაჲ დაემკვდრა შენ თანა და უძლურებაჲ შენი განამლიერა და საქმით და სიტყვით წარჩინებულ-გყო, ღმერთშემოსილო, რომლითა განაკვრვენ ყოველნი გონებანი და ცნობანი, რამეთუ სასწაულთა და საკვრველთა აღსრულებითა მოაქციენ მრავალნი.

წმიდაო დიდო მოწამეო, მკურნალო, პანტელეიმონ, ევედრე ღმერთსა ჩუენთვის.

ჰპოვე ღირსი ერმოლას პავლეს წილ, ნეტარო მოწამეო ქრისტესო, მის მიერ, გეუწყნეს საიდუმლონი მაღალნი და გამოუთქუმელნი, რომელთა მიერ ისწავე წესი ბრწყინვალე ღმრთისმსახურებისაჲ და მიერთაგან იქმენ მოძღუარ ღმრთივსწავლულ და შესძინე მეუფესა, ერი საზეპუროდ, პანტელეიმონ.

დიდებაჲ მამასა და ძესა და წმიდასა სულსა.

ახოვნებით შებმა უყავ წამებისა ღუაწლთა, ღირსო პანტელეიმონ, ძალითა საღმრთოთა გარემუზლუდვილმან და მწარენი ტანჯვანი დაითმინენ, დიდებულო, უძლეველითა მოთმინებითა და სიმტკიცითა გონებისაჲთა, წადიერად ღაღადებდი, ძალსა შენსა დიდებაჲ კაცთმოყუარე.

აწ და მარადის და უკუნითი უკუნისამდე. ამინ.

ჭეშმარიტად სანატრელ არს ერი, რომელმანცა გიცის და აგიარებს დედად ღმრთისად, ჭეშმარიტად უბიწოლო, და მეოხებითა შენითა შეზღუდვილი დაცვულ არს, რამეთუ შემდგომად ღმრთისა სასოებაჲ

ცხორებისა თვისისაჲ შენდამი დაუც, ქალწულო, და ცხონდების, და გზათა წარემართების.

ლამითგანსა (გალობაჲ ე).

ძლისპირი: ნუსადა განმიშორებ პირისაგან შენისა, ნათელო წარუვალო, და დამფარა მე ბნელმან წყუდიადისამან განუნათლებელმან, არამედ მომხედენ და ნათელსა მცნებათა შენთასა წარჰმართე სლვაჲ ჩემი, გვედრები.

წმიდაო დიდო მოწამეო, მკურნალო, პანტელეიმონ, ევედრე ღმერთსა ჩუენთჳს.

სიბრძნისა მის საღმრთოჲსა ტრფიალ იქმენ, სამ-გზის სანატრელო პანტელეიმონ, და იგი შეიყუარე და იგი მოიგე თანამკვდრად შენდა, ამისთჳს სამართლად პატივცემულ იქმენ მის მიერ და გვრგვინი მაღალთანი დაიდგენ.

წმიდაო დიდო მოწამეო, მკურნალო, პანტელეიმონ, ევედრე ღმერთსა ჩუენთჳს.

ჯორცთა იგი სიკეთე შუენიერებითა სულისაჲთა შეამკვე და კუალად სულისა ბრწყინვალებაჲ სათნოებათა დიდთა და ღუაწლთა ნათლითა ელვარედ განაშუენე, დიდებულო და იქმენ ტაძარ სულისა წმიდისა.

დიდებაჲ მამასა და ძესა და წმიდასა სულსა.

მადლითა და სასწაულთა ელვარებითა დაშრიტენ თუალნი უღმრთოთანი და მძლავრთა ზახებაჲ დაამკჳ სიმჳნითა და კერპთა საცთური დაა[რღჳე] მოღუაწებითა შენითა და მორწმუნეთა გულნი განანათლენ.

აწ და მარადის და უკუნითი უკუნისამდე. ამინ.

[უდ]ებობისა ბადითა და საკრველითა მედგრობისა ჩუენისათა ქუესკნელთა ცოდვისათა შთავიზიდვი ყოვლად საწყალობელი, არამედ, ვითარცა მკსნელისა ყოველთადასა მშობელი, სინანულად ცხორებისა მიმიძელუ.

ღალატყავსა (გალობად ვ).

ძლისპირი: ვედრებასა ჩემსა განვჰფენ უფლისა მიმართ და აუვარებ ბრალთა ჩემთა მარადის, რამეთუ ბოროტითა აღივსო სული ჩემი და სიმტკიცე ჩემი ჯოჯოხეთა მიიწია. და იონადსებრ ვღალადებ: აღმომიყვანე მე, ღმერთო ჩემო.

წმიდაო დიდო მოწამეო, მკურნალო, პანტელეიმონ, ევედრე ღმერთსა ჩუენტვს.

მხიარულ იქმნა უფალი მისთვს სიყუარულისა, რომელი გაქუნდა მისსა მიმართ და სასოებად და სარწმუნოებად უსაზღვროდ და ცათა შინა ქუეყანასა ზედა გადიდა შენ ზემთა სიტყვსა ნიშთა მიერ და სასწაულთა, პანტელეიმონ.

წმიდაო დიდო მოწამეო, მკურნალო, პანტელეიმონ, ევედრე ღმერთსა ჩუენტვს.

ღმრთივშუენიერთა სიბრძნითა აღვსებულმან უღმრთოებისა იგი ბნელი და წყუდიადი საცთურისა განდევნე სიტყვთა შენითა, ეწყვებოდე რად უშჯულოთა მათ და ცილობად მათი უწესოდ საქმეთა წამებითა დაჰკსენ, პანტელეიმონ.

დიდებად მამასა და ძესა და წმიდასა სულსა.

თესლი სიტყვსად შეიწყნარა სულმან წმიდამან, ვითარცა რად ნაყოფიერმან, და ნაყოფი მზრდელი სულთად აღმოაცენა, ბრძენო, შემაშფოთებელი ღუარძლთა ბოროტთად და ასეული უკუდავებისა თავწარსხმული სათნოებათად მოართუ ქრისტესა.

აწ და მარადის და უკუნითი უკუნისამდე. ამინ.

სიტყუად უფლისად განკაცნა რად და იშვა ჯორციტა ქალწულისაგან, იქმნა ყოველივე ახალ, და მიწისაგანნი ღმერთ იქმნეს ჭეშმარიტად და წყევად კურთხევად შეცვალა და მაცდური გუელი მოიკლა და სიკუდილისა მძლავრებად უჩინო იქმნა.

გვკსნენ განსაცდელთაგან მონანი შენნი, ყოვლადწმიდაო ღვთისმშობელო ქალწულო, რამეთუ ჩუენ ყოველნი შემდგომად ღვთისა შენდა მოვილტვით, ვითარცა უძლეველისა ზღუდისა და შუამდგომელისა.

მოიხილე ჩუენზედა, ყოვლად-ქებულო ღვთისმშობელო და ხორცთა ჩუენთა წყლულებანი ბოროტნი განჰკურნენ და სულისა ჩუენისა სნეულებანი.

მღდელომან: მერმე და მერმე...

ასამაღლებელი: რამეთუ შენ ხარ მეუფე მშჯდობისა და მაცხოვარი სულთა ჩუენთა, ქრისტე ღმერთო ჩუენო, და შენდა დიდებასა აღვაკლენთ თანა...

იბაკოე (კონდაკი).

ვითარცა მიმსგავსებულმან მოწყალისა ღმრთისამან, კურნებათა მადლი [მო]იღე მის მიერ, ღუაწლით შემოსილო მოწამეო ქრისტეს ღმრთისაო, და ლოცვითა შენითა, სენნი ჩუენნი სულიერნი განჰკურნენ და განიოტენ საცთურნი მარადის მბრძოლისა ჩუენისანი, რომელნი სარწმუნოებით [ვლად]ებთ: გუაცხოვნენ ჩუენ, უფალო.

მოხედენ. სიბრძნით.

წარდგომა სახარებისად:

იხარებდეს მართალი უფლისა მიმართ და ესვიდეს მას და იქმნენ ყოველნი წრფელნი გულითა. მუხლი: შეისმინე, უფალო, ჳმისა ჩემისაჲ, გევედრებოდი რაჲ მე შენდამი, შიშისაგან მტერისა იჳსენ სული ჩემი.

უფლისა მიმართ ვილოცოთ. რამეთუ წმიდა ხარ შენ ღმერთო... ყოველი სული აქებდით უფალსა. მუხლი: აქებდით ღმერთსა წმიდათა შორის მისთა, აქებდით მას სამყაროთა ძალითა მისისაჲთა. ღირსყოფად ჩუენდა... სიბრძნით აღემართენით...

სახარებაჲ ლუკაჲსი:

ჰრჳჳა უფალმან თჳსთა მოწაფეთა: არარაჲ არს დაფარულ, რომელი არა გამოცხადნეს, და დამალულ, რომელი არა საცნაურ იყოს. ამისთჳს რომელი ბნელსა შინა სთჳჳათ, ნათელსა შინა ისმეს, და რომელსა ყურსა ეტყოდით საუნჯეთა შინა, იქადაგოს ერდოთა ჴედა. ხოლო გეტყჳ თჳჳენ, მეგობართა ჩემთა: ნუ გეშინინ მათგან, რომელთა მოსწყდნენ ჳორცნი და ამისა შემდგომად ვერარაჲ აქუს უმეტესი, რაჲ გიყონ თჳჳენ. ხოლო გიჩუენო თჳჳენ, ვისა გეშინოდის: გეშინოდენ მისა, რომელსა შემდგომად მოწყუედისა ჳელ-ეწიფების შთაგდებად გეჳენიასა. ჳე, გეტყჳ თჳჳენ, მისა გეშინოდენ. ანუ არა ხუთი სირი განისყიდების ორის ასარის? და ერთიცა მათგანი არა არს დაფარულ წინაშე ღმრთისა. არამედ თმანიცა თავისა თჳჳენისანი ყოველნი განრაცხილ არიან. ნუჳუკუე გეშინინ, რამეთუ მრავალთა სირთა უმჯობეს ხართ. ხოლო გეტყჳ თჳჳენ: ყოველმან რომელმან აღიაროს ჩემდა მომართ წინაშე ჳაცთა, მემანცა ჳაცისამან აღიაროს იგი წინაშე ანგელოზთა ღმრთისათა. და რომელმან უვარმყოს მე წინაშე ჳაცთა, უვარ იქმნეს იგიცა წინაშე ანგელოზთა ღმრთისათა და ყოველმან რომელმან თჳჳას სიტყუაჲ ძისა მიმართ ჳაცისა, მიეტეოს მას, ხოლო სულისა წმიდისა მგმობარსა არა მიეტეოს. და ოდეს შეგიყუანენ თჳჳენ შესაჳრებელთა და წინაშე მთავართა და ჳელმწიფეთა, ნუ ჳზრუნავთ, ვითარ ანუ რაჲ სიტყუჲ მიუგოთ, ანუ

რად სთქუათ, რამეთუ სულმან წმიდამან გასწაოს მას ჟამსა შინა, რად იგი სთქუათ.

დიდებად მამასა და ძესა და წმიდასა სულსა.

მეოხებითა დიდებულისა მოწამისა პანტელეიმონისადათა, მოწყალეო, აღჯოცე ცოდვათა ჩუენტა სიმრავლენი.

აწდა მარადის და უკუნითი უკუნისამდე, ამინ.

მეოხებითა ღმრთის-მშობელისადათა მოწყალეო, აღჯოცე ცოდვათა ჩუენტა სიმრავლენი.

მოწყალე მე, ღმერთო დიდითა წყალობითა შენითა და მრავლითა მოწყალებითა შენითა აღჯოცე უშჯულოებად ჩემი და შემეყწალე მე ღმერთო.

ჴმად ა: ნათელი ნათ.

ნიჴნი კურნებათანი და სასწაულნი ზეგარდამო მოიხუენ ქრისტეს ღმრთისაგან, ღირსო პანტელეიმონ, ამისთჴს ვითხოვთ შენგან, დიდებულო: განკურნენ წყლულებანი სულთა ჩუენტანი, ბრძენო და კუალად საღმობანი ჴორცთანი უკურნებელნი, ვითარცა ხარ მობაძავ ღმრთისა მოწყალებათად, რადთა გიგალობდეთ შენ სარწმუნოებით.

მღდელომან: აცხოვნე, უფალო, ერი...

ასამაღლოებელი: წყალობითა და მოწყალებითა...

კურთხეულარსა (გალობად ზ).

ძლისპირი: რომელთა ქალდეველთა აგზებული საჴმილი ძალითურთ შემწუველი დაშრიტეს ხილვითა ანგელოზებრივითა, რომელი გარდამოჴდა, მისა მიმართ ყრმანი ღალადებდეს და

იტყოდეს: კურთხეულ ხარ და დიდებულ, უფალო, ღმერთო მამათაო ჩუენთაო.

წმიდაო დიდო მოწამეო, მკურნალო, პანტელეიმონ, ევედრე ღმერთსა ჩუენტჳს.

ძალითა სულისაძთა აღჭურვილი ეწყვე სიმჳნით მტერთა წინააღმდგომთა, ნეტარო [პა]ნტელეიმონ და სამძალი ძლევისაჲ შეიმოსე და განათლებული ღაღადებდი და იტყოდი: კურთხეულ ხარ და დიდებულ, [უფალო, ღმერთო მამათა ჩუენტაო.]

წმიდაო დიდო მოწამეო, მკურნალო, პანტელეიმონ, ევედრე ღმერთსა ჩუენტჳს.

მადლსა კურნებათასა და დაუწყუედელსა უფსკრულსა სასწაულთა[სა,] მჳნეო, საფლავი შენი აღმოაცენებს და რომელნი აღმოივსებენ, კურნებასა სულთასა და ჳორცთასა მიიღებენ და აკურთხევენ ღმერთსა, მადიდებელსა შენსა, პანტელეიმ[ონ: კურთხეულ ხარ და დიდებულ, უფალო, ღმერთო მამათა ჩუენტაო.]

დიდებაჲ მამასა და ძესა და წმიდასა სულსა.

წამებისა შენისა გზაჲ სიხარულით წარვლო, მოწამემან შენმან, უფალო, და განვრცნა ალაგთა შინა მცნებათა და მადლთა ბნელთასა, ხოლო შენ, სახიერო, საკჳრველ ჳყავ ნიშთა მიერ და ადიდე იგი ცათა შინა და ქუეყანასა ზედა, ყოვლად მაღალ[ო: კურთხეულ ხარ და დიდებულ, უფალო, ღმერთო მამათა ჩუენტაო.]

აწ და მარადის და უკუნითი უკუნისამდე. ამინ.

ყოველნივე წინაღსწარი თქმულნი შენთჳს და [სწავლებანი] ესერა სრულ იქმნენს, ქალწულო, რამეთუ ქადაგებული მათი ჳორცითა გჳშევე ორითა ბუნებითა და საქმითა, ვითარცა არს ღმერთი და კაცი სრული, ამისთჳს ღმრთისმშობლად აღგიარებთ შენ.

აკურთხევდითსა (გალობაჲ Թ).

ძლისპირი: შვდ-წილ აღაგზნა საჯუმილი მძლავრმან ქალდეველთამან ყრმათათვს გულისწყრომითა და რისხვითა და ძალითა მაღლისადთა იხილნა უვნებელად დაცვულნი ცეცხლისაგან განურყუნელად და დამზადებელისა მიმართ და მკსნელისა ლაღად-ყო: აკურთხევდით ყრმანი, და მღდელნი უგალობდით, ერნი უფროდსად ამაღლებდით მას უკუნისამდე.

წმიდაო დიდო მოწამეო, მკურნალო, პანტელეიმონ, ევედრე ღმერთსა ჩუენთვს.

ცეცხლითა რაჲ იწუვებოდე და მახვლითა დაიჭრებოდე და ურმისთუალსა ზედა განრთხმულ იყავ, მოწამეო, და მკვეცთადა მიცემულ და წყალთა შინა ზღვსათა შთაგდებულ და პირად-პირადითა სატანჯველითა ტანჯულ, არა განილიე შენ, ხოლო უკუანადსკნელ, თავისა შენისა, ღირსო, წარკუეთითა წარმოუდეჰ ქრისტესა.

წმიდაო დიდო მოწამეო, მკურნალო, პანტელეიმონ, ევედრე ღმერთსა ჩუენთვს.

კრებაჲ შენი შუენიერი ბრწყინავს უბრწყინვალეს მზისთუალისა და ნათელითა მაღლთაჲთა და ნიშთა ბრწყინვალეებითა იხარებს ცისკიდეთა და ჰნათობს სულთა მორწმუნეთასა, რამეთუ ყოველთავე სწყალობ და აცხოვნებ სიტკბოებისა შენისა სიმდიდრითა, ღმრთისა მძლეო, სენთა განჰკურნებ და სულთა არა-წმიდათა იოტებ.

დიდებაჲ მამასა და ძესა და წმიდასა სულსა.

მკურნალი ხარ საკვრველი მომატყუებელი უკუდავებ[ისა,] ჯორციელსა სიმახვლესა თანა, მოიგე სულიერი მოღვაწებაჲ და კურნებაჲ სულთაჲ და მრჩობლ ჰკურნებ ჯორცთა და სულსა

სიბრმესა და ორკერძოვე მისცემ ბრწყინვალებასა, დიდებულო, ქრისტეს მკსნელისა წოდებითა და ძლიერებითა.

აწ და მარადის და უკუნითი უკუნისამდე. ამინ.

ღმერთი ყოვლისა მპყრობელი, ღმრთისაგან უცვალებელად კაც-იქმნა უქცეველად შენგან, ღმრთისა დედაო, ყოვლად უხრწნელო სძალო და განაახლა განხრწნილი ადამ და აღიყვანა პირველსავე მას დიდებასა. ამისთჳს შენ, ვითარცა მიზეზსა ცხორებისასა, ქებით გადიდებთ და სარწმუნოებით თაყუანის-გცემთ.

ადიდებდითსა (გალობაჲ თ).

ძლისპირი: განკვრდეს ზესკნელს ცანი, და კიდენი ქუეყანისანი განკვრვებულ იქმნეს, რაჟამს ღმერთი შენ მიერ კაცთა გამოუბრწყინდა საშოდ შენი უმაღლეს ცათა საყდართა გამოაჩინა. ამისთჳს, ღმრთისმშობელო, ანგელოზნი და კაცნი, ვითარცა ღირს ხარ, გადიდებდენ შენ.

წმიდაო დიდო მოწამეო, მკურნალო, პანტელეიმონ, ევედრე ღმერთსა ჩუენთჳს.

რიტორთა ზღაპრობ[ად] სიბრძნით ამხილე და ცუდთა ღმერთთა უძლურებაჲ დაამკუ და ასკლიპიოს და პალინიოდს ჳელოვნებაჲ ცუდ-ჳყავ და დაარლჳე მძლავრთა ზახებაჲ და აღამაღლე რქად ეკლესიისად, ღირსო პანტელეიმონ, მოწამეო ქრისტესო და ერი მორწმუნეთა ადიდე.

წმიდაო დიდო მოწამეო, მკურნალო, პანტელეიმონ, ევედრე ღმერთსა ჩუენთჳს.

კურნებისა წყაროთა და უფსკრულთა ცხორებისათა, აღმოაცენებ, ღირსო, საღმრთოდთ სამარხოდთ შენით და მოჰრწყავ მორწმუნეთა და ჳკურნებ სენსა ყოველთასა და მისცემ ცოდვათა მოტევებასა და

განსაცდელთა ვსნასა და მხიარულ ჰყოფ სულსა შემსხმელთა
შენთასა, პანტელეიმონ.

დიდებად მამასა და ძესა და წმიდასა სულსა.

მოაკუდინე იქედნე წამლიანი ლოცვითა და ლომთა პირნი დაუყვენ
და ცეცხლი და წყალი განჰვლე წადიერად, უძლეველო მოწამეო,
ხოლო მახვლითა რად სრულ იქმენ, წარმოუდეგ ქრისტესა და ჰსუფევ
საუკუნოდ, კრებულსა თანა უკორცოთასა.

აწ და მარადის და უკუნითი უკუნისამდე. ამინ.

აღმაღლდა რქად დაცემულისა ადამისი შენგან შობითა ღმრთისა
სიტყვსადათა, რომელმან არა უღირს-იჩინა სიმდაბლე ჩუენი და
პირველი აზნაურებად მოგუცა მიწადმდე დამდაბლებულთა,
ამისთჳს შენ, ვითარცა ცხორებისა ჩუენისა მიზეზსა, გნატრ[ით]
ღმრთის[ა დედაო.]

ღირს არს ჭეშმარიტად, რადთა გადიდებდეთ, შენ ღმრთის-მშობელო,
რომელი მარადის სანატრელ იქმენ, ყოვლად-უბიწოდ და დედად
ღმრთისა ჩუენისა. უპატოსნესსა ქერუბინთასა, და აღმატებით
უზესთაესსა სერაბინთასა, განუტრწნელად მშობელსა სიტყვსა
ღმრთისასა, მხოლოსა ღმრთის-მშობელსა გალობით გადიდებდეთ.

კუმევაა.

ვმად ა: შენ სიტყუად

მარტულთა შორის გამოსჩნდი მკურნალად საკვრველად,
პანტელეიმონ ბრძენო, ლოცვითა გუელი მოჰკალ და ყრმაა
აღადგინე, ყოველთავე უჩუენე ძალი ქრისტესი, რომელი მოგემადლა
ღმრთისა მიერ, მას ევედრე ცხორებად ჩუენდა.

ყოვლად საძლეველი იგი საჭურველი აღილე, რომელსა ზედა ქრისტე
ნეფსით დამსჭვალულ იქმნა და მით დაამჯუ ძალი უსჯულოდ,

პანტელეიმონ ქებულო, რომლისათვისცა ევედრე მაცხოვარსა მგალობელთა შენტათვს, ღირსო.

მოძღუარისა მიერ მორწმუნისა, სწავლაჲ შეიწყნარე და მამაჲ იგი ურ[წ]მუნოდ მორწმუნე-ჰყავ შენ, ღირსო, რაჟამს მოგეცა შენ ღმრთისა მიერ ძალი იგი კურნებათაჲ, მოგვკსენენ მგალობელნი შენნი, პანტელეიმონ დიდებულო.

წადიერად განუკუთნე თავი შენი ღმერთსა, პანტელეიმონ ღირსო, და პირველ სრულებისა ძალითა მისითა აღადგინე მკუდარი, ყოვლად დიდებულო, მეცა მომკუდარი სულითა ცოდვათაგან, ცხოველ მყავ ოხითა შენითა.

წმიდაო ღმერთო, წმიდაო ძლიერო, წმიდაო უკუდავო, შეგვწყალებ ჩუენ (3-გ ზის).

დიდებაჲ მამასა და ძესა და წმიდასა სულსა აწ და მარადის და უკუნითი უკუნისამდე. ამინ.

ყოვლად-წმიდაო სამებაო, შეგვწყალებ ჩუენ; უფალო, გვკსენ და გვილხინე ცოდვათა ჩუენტაგან; მეუფეო, შეგვზღვენ უსჯულოებანი ჩუენნი, წმიდაო, მოიხილენ და განკურნენ უძლურებანი ჩუენნი, სახელისა შენისათვის.

უფალო, შეგვწყალებ (3-გ ზის).

დიდებაჲ მამასა და ძესა და წმიდასა სულსა აწ და მარადის და უკუნითი უკუნისამდე. ამინ.

მამაო ჩუენო, რომელი ხარ ცათა შინა, წმიდა იყავნ სახელი შენი, მოვედინ სუფევად შენი, იყავნ ნებაჲ შენი, ვითარცა ცათა შინა, ეგრეცა ქუეყანასა ზედა. პური ჩუენი არსობისაჲ მომეც ჩუენ დღეს და მომიტევენ ჩუენ თანა-ნადებნი ჩუენნი, ვითარცა ჩუენ მიუტევებთ

თანა-მდებთა მათ ჩუენთა, და ნუ შემიყვანებ ჩუენ განსაცდელსა, არამედ მიკსნენ ჩუენ ბოროტისაგან.

მღდელომან: რამეთუ შენი არს სუფევად...

მიწყალენ ჩუენ, უფალო, შემიწყალენ ჩუენ, რამეთუ ყოვლისავე სიტყვს-მიცემისაგან უღონო ვართ, გარნა ამას ვედრებასა შენ, მეუფისა სახიერისა, ცოდვილნი ესე შევსწირავთ. მიწყალენ ჩუენ, უფალო, შეგვწყალენ ჩუენ.

დიდებაჲ მამასა და ძესა და წმიდასა სულსა.

უფალო, შემიწყალენ ჩუენ, რამეთუ შენ გესავთ, ნუ განმირისხდები ჩუენ ფრიად, და ნუცა მოიხსენებ უმჯულოებათა ჩუენთა, არამედ მოიხილე ჩუენზედა წყალობით, ვითარცა სახიერ ხარ, და გვკსენ ჩუენ სამართლად რისხვისაგან შენისა, რამეთუ შენ ხარ ღმერთი ჩუენი, და ჩუენ ვართ ერნი შენნი, ყოველნივე ქმნულნი ჳელთა შენთანი ვართ და სახელი შენი წოდებულ არს ჩუენზედა, და შემიწყალენ ჩუენ.

აწ და მარადის, და უკუნითი უკუნისამდე. ამინ.

მოწყალეების კარი განგვლე, კურთხეულო ღმრთის-მშობელო, რადთა, რომელნი ესე შენ გესავთ, არა დავეცნეთ, არამედ განვერნეთ წინააღმდგომთა მტერთაგან, რამეთუ შენ ხარ ცხორება ნათესავისა ქრისტიანეთაჲსაჲ.

უფალო შეგვწყალენ (12-გ ზის).

მღდელომან: შეგვწყალენ ჩუენ ღმერთო... შეისმინე ჩუენი ღმერთო...

უფლისა მიმართ ვილოცოთ.

ლოცვა წმიდისა პანტელეიმონისი

ჟ ყოვლად დიდებულ ღმრთივ-გვრგვანოსანო დიდო მოწამეო მკურნალო პანტელეიმონ, ანგელოსთა თანა შეერთებულო, მოციქულთა თანა პატივცემულო, მოწამეთა სრულეზაო, მამათა დიდეზაო, ქალწულთა შუენიერეზაო, მვედრებელთა შენტა მსწრაფლ შემწეო, თხოვათა აღმსასრულეზაო, და წყალობისა მომნიჭებელო.

ჟ ყოვლად ბრწყინვალეო ქრისტეს დიდო მოწამეო, უქრთამო მკურნალო პანტელეიმონ. ბრწყინვალეობითა ელვარებისა სიწმიდისა შენისადათა განაბრწყინვე ღმრთივ-დაცული ერი ჩუენი, ყოვლად განათლებულითა ლოცვითა შენითა განანათლე უწმიდესი და უნეტარესი სრულიად საქართველოს კათოლიკოს-პატრიარქი, მცხეთა-თბილისის მთავარეპისკოპოსი და ბიჭვინთისა და ცხუმ-აფხაზეთის მიტროპოლიტი, დიდი მეუფე მამაჲ ჩუენი ილია, ყოვლად სამღდელონი მიტროპოლიტნი, მთავარეპისკოპოსნი და ეპისკოპოსნი და ყოველნი სამღდელონი და სამონაზნონი წესნი, მკედართ მთავარნი, და ქალაქთ მთავარნი, მრავალშემძლებელითა ძალითა შენითა განაძლიერე ქრისტეს მოყუარე მკედარნი, და კეთილის მყოფელნი ჩუენნი, და ყოველნი მართლმადიდებელნი ქრისტეანენი, მოსახელენი და მვედრებელნი შენნი ადიდენ. ევედრე წმიდაო დიდო მოწამეო ქრისტესო შენგან შეყუარებულსა იესუს, რადათა მოგუანიჭოს მადლი და წყალობაჲ თვისი აურაცხელი.

ჟ, ყოვლად ქებული და პატივცემულო, წმიდაო დიდო მოწამეო, უვეცხლოო მკურნალო პანტელეიმონ, ღმრთივ-დიდებულითა საკვრველებლითა და ნიშებ-სასწაულითა შენითა, განათავისუფლენ ტყუენი, განკურნენ უძღურნი, გამოუკსნენ განსაცდელსა შინა მყოფნი, განაძლიერენ ზღვათა შინა მავალნი, მოაქციენ ცოდვილნი და შეაწყნარენ ქრისტესა ღმერთსა ყოველთა შემწყნარებელსა და ყოველნი მადიდებელნი წმიდისა სახელისა შენისანი ადიდენ და აღამაღლენ სულით და ჯორციით, რადათა სასუფეველსა დიდებასა და დიდად შუენიერსა ბრწყინვალეზასა ღმრთისასა ღირს-ვიქმნეთ ყოველნი. ანგელოსთა თანა უგალობდეთ, წმიდათა თანა

ვადიდებდეთ, და შენთანა გზრგზნოსანნი ვაკურთხევდეთ შენსა გზრგზნოსან-მყოფელსა მამასა, შენსა განმაძლიერებელსა ძესა, და შენ შორის მეტყუელსა სულსა წმიდასა, რომელსა შეუენის ყოველი დიდებაჲ, პატივი და თაყუანისცემაჲ, აწ და მარადის, და უკუნითი უკუნისამდე.

მღდელმან: ლოცვაჲ განტევებისაჲ.

ჴმაჲ გ: მივბამ

გამობრწყინდა ერნო დღეს, ყოვლად დიდებული ქრისტეს მოწამისა საკსენებელი და მოუწოდს მორწმუნეთა კრებულსა საიდუმლოდ სერობად, და ბრწყინვალესა კრებასა შეჴმზადებს და ისტუმრებს. ღუაწლითა თჴსითა გამობრწყინდა მკურნალი დიდი უქრთამოდ, და საღმობათა და სენსა ყოველთასა მდიდრად განჴკურნებს ახოვანი და საღმრთოდ მოღუაწე პანტელეიმონ. მოვედით და მოვისწრაფოთ და უგალობდეთ ღუაწლთა მისთა უძლეველთა, რამეთუ იღუწის ჩუენთჴს მჴურვალედ ღმრთისა მიმართ და ევედრების, რადთა მოანიჴოს სულთა ჩუენთა დიდი წყალობაჲ.

